

ag imeacht

Kristina Kočan



focailleile
|||

drugebesede
|||



Aistrithe ag Peadar O Ceannabhain

ag imeacht

Kristina Kočan

imircí

ghluais duilleoga buí chun bealaigh
ó stoic dhorcha na bpoibleog
ag athlonnú
éin imirce sinn
ó thailte ó dhaoine
uainn féin an cosán
an t-aon tearmann
ag síorghluaiseacht
an gheallúint go bhfillfear ár slánú
ag imeacht roimh ré
imítear idir codladh is dúiseacht
aibhneacha faoi bhláth
i ndathanna duilleog thíos fúinn
an ghrian chiarbhúí
dár ngoradh
meáchan ceolaire i mbos láimhe
inár gcuimhne
nó píobaire gríosáí

pilibíní

siúd í an fharraige
tearmann d'ollscáthán
i bhfad ón damba
ar a seasaimid
crainn seoil faoi dheifir
ar thóir cleití
i siolla na gaoithe
i dtreo oileáin atá
nach mór as amharc
in aice lámhe aithrisimid dánta
i gcluais a chéile os íseal
i dteangacha aduaine
éin chósta
an fhuachta
an bhogaigh
an fhéir ghearr
ag síor-ruagaireacht
os ár gcionn
i dtuilleamaí oícheanta gealaí
beo le feithidí
tolláin ghaoithe
dílís dá mbuanchomrádaithe
an ghaoth agus an bás
cumha i ndiaidh an bhaile

ina scréach dhiamhair
dá brú nós doimhne anois
i dtreo an cheo
i dtreo an fhéir
i dtreo na dtionta
chun na farraige ciúine
luitear in aice láimhe le spléachadh
ar an loinnir ghlas
gona cholainn gona scórnach
gona shúil dhubh
ar nós an chompáis
i dtreo an teasa

Tíogar

Ní bheirtear barróg ar éinne
an t-ualach ina thonnaí ag cogarnaíl
i gcluais gan aird
súile stánaithe sa dorchadas
glórtha siosarnacha ban i gcéin
do bharúil d'fhuaim na bóchna
sa gciúineadas
tá uisce an Hudson
dorcha nó gormghlas
snáthaid fhuar dírithe ó thuaidh
adhmad ag pléascadh
a mheáchan iomlán sa tine
sneachta ina báisteach mharbh
ina hoighear anois
gan fanta ach cnámha
in aice láimhe
turcaithe fiáine ar crith
na réalta in áit éigin
súil go nglanfaidh sé
go dtiocfar slán
ó gheimhreadh eile.

Leon

cúl a thabhairt do shólás
aifreann na maidne
i séipéal an bhríce dheirg
do mhacalla ghlórtha balbha an chóir
seoladh chun na farraige draoibí
as ar tarraingíodh scadáin i gcomhair dinnéir
inné go deireanach
a theacht slán ar sheanraic
sula dtógtar na seolta go fírinneach
réalta an teochreasa ar an seol tosaigh
gairge an phiobair ag fanacht orthu
ar oileáin na spíosraí
an Bheangál
cailéideascóp na n-éadaí lasta go fiánta
meathchuimhne ar an mbaile
ag dul sa gcírín ar ór Muire
i ndonnuisce an Ghanges amháin
brúnn craiceann te cainéil
gaiste an leoin ar oscailt

Medusa

stráice crithloinnreach talún
olltrá ar chuma platanaim
achar fada go farraige
cosnocht óna dumhacha máguaird
a léithéid d'áilleacht
smugairle róin ina chuisle
ag snámh gan cúram ar an tanaí
ag fuireach go méadaítear leis an taoille
an damhsóir fiáin gléineach seo
go síobtar leis an sruth
ceann i gcoinne a chéile
i gcoinne an uisce
ina theagmháil shéimh
imeacht chomh fada agus is féidir
bolaithe laga ar an ngaoith
gan sásamh sa mbraighdeanas
sa niamhracht shuaimhneasach
fearacht ainmhí i ngaiste
fearacht féileacán i ngloine
a dtéann i bhfostú ina cuid gruaige
scriosann í
i socracht na farraige go fáilí
faoi scáil na scamall lus na gloine
faoi bhláth caoin

Sciálaí

Cuaráin sna lámha
cosa ag géilleadh do na dumhacha
éin uisce ar eitleog i gciorcail os cionn na gaoithe
an tranglam smaointe á scaoileadh
ag guairdeall
ag stopadh na heitilte san aer
séis dhearmadta ag múchadh na goineoige
luímid ar ghrá
gróigthe le chéile ar an ala
oileán tréigthe muran taibhse í
rámhlong ag seoladh ó dheas agus soir
leis na céadta bliain
tithe solais a crainn seoil
féar muirneach don tuirseach don searbhán
a cuid féir
roilligh ag tumadh a ngob
san íochtar glárach
mar a nochtann an taoille
an fiadhúlra diamhair
á dtabhairt chun cráifeachta
i solas liath an tráthóna